



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 43. Quæ Concilium Papiense secuta sint.

[urn:nbn:de:hbz:466:1-66377](#)

Aquilejensis, tum Arnoldus Archiepiscopus Moguntinus, Hartwicus Bremensis, Rainaldus Colonensis, & Guimannus seu Wicmannus Magdeburgensis. Hi quatuor Archiepiscopi praesentes erant, cum non nullis Suffraganeis suis. Archiepiscopi Vesunctionensis, Arelatensis, Lugdunensis, Viennensis, & Guido electus Episcopus Ravennensis missis solum Legatis consenserunt. Leguntur etiam nomina Episcoporum, Firmini, Ferentini, Mantuani, Bergomensis, & Faventini. Sed firmam fidem non adstruunt hae subscriptiones, cum etiam legatur ibidem nomen Regis Angliae, quem tamen paulo post videbimus hoc Concilium non recepisse, quemadmodum etiam Archiepiscopum Treverensem, qui in itinere morbo retardatus literas excusatorias misit.

Sæcul. XII.
A.C. 1160.

§. XLIII.

Quæ Concilium Papiense secuta sint.

Fridericus Imperator, data ad Eberhardum quoque Archiepiscopum Salisburgensem ejusque Suffraganeos epistola, in eo præcipue morabatur, quod Hadriano Papa adhuc luce fruente, Rolandus Cancellarius contra se conjurasset, cuius rei argumentum affebat in hunc modum: *Deliberantibus nobis, quid exerto Schismate faciendum esset,*

Radevici.
c. 69.

Sæcul. XII. effet, adsunt Archiepiscopus Tarentasia,
A.C. 1160. Abbates Clarævallensis, Morimundensis
& decem alii, quasi a Deo missi, pacem
Mediolanensibus concedi rogantes. His
exposuimus mentem nostram; tumque
Mediolanum reversis, ut quid consilii civi-
bus esset, cognoscerent, illi respondent:
juramento nos Papæ & Cardinalibus
libere obligavimus, nos sine ipsorum con-
sensu cum Imperatore pacis conditiones
non esse inituros. Ac reponentibus Ab-
batibus: bodie Papæ amplius obligati non
estis, homini mortuo, iterum Mediola-
nenses: at fidem datam Cardinalibus &
nostrum juramentum servabimus. Fate-
tur deinde Imperator, Victori Papæ
objici, quod a minore Cardinalium parte
electus fuisset. Hæc epistola decima
quinta Februarii data est.

Eberhardus Episcopus Bambergensis,
qui apud Imperatorem versabatur, suo
quoque nomine Archiepiscopo Salisbur-
gensis, quæ Papiæ acta essent, perscripsit.
Initio deliberationis, inquit, omnibus
ferme placebat, rem differendam esse, us-
que ad majorem hujus negotii cognitionem,
atque amplius Concilium; sed tandem pre-
valuit pars Victoris Papæ, ideo præcipue
quod conjuratio contra Imperium præces-
sisset. Itaque Dominum Victorem re-
cepimus, spe pacis permoti inter Sacer-
dotium & Imperium futuræ. Et inferius:

Nun-

c. 71.

Nuncius Regis Francorum nomine Domini Sæcul. XII.
sui promisit, ipsum neutrum esse receptu- A.C. 1160.
rum, donec Legatis Imperatoris fuisset
collocutus. Nuncius Regis Anglorum se
idem cum Nuncio Francorum velle &
idem nolle affirmavit. Archiepiscopî
Arelatensis, Viennensis, Lugdunensis,
& Vesuntinus per literas, & missos Le-
gatos suos consenserunt. Trevirensis so-
lus in illa Germaniæ parte dissentit, cuius
Suffraganei nibilominus subscripsérunt.
Tu solus superes, cuius Suffragium ad-
buc expectamus (*).

Henricus Præpositus Berchtoldaden-
sis quoque eadem in causa Archiepiscopo
Salisburgensi scripsit, ex cuius epistola
complura Concilii Ticinensis adjuncta
memorabilia discimus. Patriarcha Aqui-
lejensis, inquit, & non nulli alii morem
gesserunt, amore pacis in Imperio, salvo
tamen Ecclesiæ Catholicæ judicio. Epi-
scopi Bambergensis, Passaviensis, & Ratis-
bonensis Patriarchæ exemplum secuti sunt.

Ceterum,

c. 72.

(*) Hos quoque Versiculos Eberhardo Salis-
burgensi Eberhardus Bambergensis scripsisse
traditur:

Jam cinis est, ubi Crema fuit. Quis, Papa
futurus?

Catholici certant, & adhuc sub Judice
Hist. Salisb.

Sæcul. XII.
A.C. 1160.

Ceterum, ut ea quæ acta sunt confirmen-
tur, in varias provincias Legati mittun-
tur, scilicet *Archiepiscopus Coloniensis*
in Franciam, *Episcopus Virdunensis* in
Hispaniam, & *Pragensis* in *Hungariam*.
Imperator Fridericus præterea ad Reges
Angliae, *Daniæ*, *Bohemiarum* & ad Manue-
lem Imperatorem Nuncios direxit.

Omnis hæc epistolæ ad Eberhardum
Archiepiscopum Salisburgensem data
sunt; is enim cum iter ingressus esset,
ad Concilium Papiense iturus, Vicentia
gravi morbo correptus, ibi morari &
deinde domum redire coactus est. Hic
Friderici Imperatoris Historia, a Rade-
vico, Canonico Frisingensi, scripta, at-
que ob acta, quæ inferuit, pretiosa,
clauditur. Guntherus quoque, qui
eandem historiam in suo Poemate *Liguri-*
nus versibus comprehendit, hic finem
scribendi fecit, videlicet sub initium
Schismatis Alexandri & Octavianii, cum
Imperator, capta Crema, Papiam in-
trasset.

A.R. Alex.
sp. Baron.

Concilio Ticinensi soluto, Fridericus
Imperator mandata in omnibus ditioni-
bus, sibi subjectis, nempe in Italia &
in Germania publicari jussit; Episcopi
omnes Victorem Papam reciperent, nisi
in perpetuum proscribi vellent. Multi
potius sibi in exilium migrandum esse,
quam se Schismaticis consentire posse
existi-

existimarunt, quibus in variis Ecclesiis Sæcul. XII.
Antipapæ cultores vi adhibita suffecti A.C. 1160.
sunt. Unde turbæ immanes exortæ.
Contra vero Alexander, postquam Fridericu-
m sæpius hortatus fuisset, ut resi-
pisceret, eum Anagniæ solemnni ritu
excommunicavit, in Cœna Domini,
vigesima quarta Martii, anno millesimo
centesimo sexagesimo, Episcopis & Cardi-
nalibus suffragantibus. Simul etiam,
pro antiqua Antecessorum suorum con-
suetudine, omnes illos, qui fidem huic
Principi jurassent, a vinculo Sacramenti
absolvit. Ita quidem loquitur, qui vitam
Alexandri scripsit. Sed ex Historia Ec-
clesiastica didicimus, hanc consuetudi-
nem non fuisse Gregorio VII. antiquo-
rem, qui eam ante annos octoginta in-
troducederat. Nec legimus, quemquam
in Romano Imperio post hanc excom-
municationis sententiam segnius quam
antea Friderici mandata exsecutum
fuisse, aut ullum mortalium dubitasse,
an legitimo jure Imperium teneat (*).

Alexander

Sup. Lib.
LXII. §.29.

(*) Ex potestate absolvendi Subditos a jura-
mento fidei præstito præsumeretur Romanum
Imperium & Regnum Germaniæ Feudum esse
Ecclesiæ Romanæ; de qua materia Natalis Ale-
xander respondens ad Notas Religiosorum
Censorum Tom. XIII. p. III. dicit: *Displicetne*
Hist. Eccles. Tom. XVII. *Aa* *Re-*

Sæcul. XII.
A.C. 1160.

Alexander etiam excommunicationis fulmen in Octavianum & conscos omnes secundo intorſit, atque ut mendacia ab ipsis undique sparsa dilitieret, Legatos in multas provincias misit.

§. XLIV.

Religiosis Censoribus, quod Imperium Sedis Apostolicae Feudum non esse professus sit Adrianus IV. idque ego fideliter & absque fuso & exaggeratione narraverim? Voluntne Regna Imperia sic a Papa donante pendere, ut nisi Papæ placuerit, nec Imperatores nec Reges sine quibus Imperium & Regnum legitima electione vel successionis jure delatum est? Ab hac sententia non sola facultas Parisiensis & Ecclesia Gallicana, sed Academicæ omnes Christianæ & Ecclesiæ omnes cum Romana communicantis, immo & ipsa Romana Ecclesia abhorrent. Bellarmini quidem Libros de Romano Pontifice sub Sixti V. Pontificatu proscriptos a Romanis Censoribus notum est, & in Librorum prohibitorum Indicem relatos, quod indirecte duntaxat potestatem Summo Pontifici in temporalia Regum tribuisse, directam vero in eorum Regna auctoritatem & dominium illi negasset. Sed post Sixti V. obitum nullus proscriptionis hujus habitam rationem, & Eminentissimos Dominos Cardinales tanti vi libros ex Indice librorum prohibitorum expunxisse certum est, ut referunt P Fuligati & Silvester a Petra Santa S. J. in vita Cardinalis Bellarmini.